

上海寧波叢書

五子題



上海掌故叢書第一集

胡櫟安題



# 上海掌故叢書序

古者行人采書太史掌典有專守之官卽有專掌之故官禮儀禮其最著者也後世官失學廢文籍日繁國史不能概方志不能統而向歆七略之成規又復絕響於天下於是而欲抱殘守缺由識小以推及大且遠者則鄉土掌故之衷錄其要刪矣上海自元至元間始立爲縣歷明清兩朝雖閱時祇六七百年而其間鄉賢之著述攸關典章國故者殆已更僕難數上海通社諸子懼其泯滅而無徵也爰仿毗陵文獻海陵叢刻之例從事搜輯而特於掌故立之範先刊一集都凡十四種行見是書出而元明清三朝滬濱內訌外患風土歲時以及文化物產昭昭然若列星之復明非

特先哲載筆之苦心賴以不墜抑亦史志之別裁輯略之流亞矣昔尼父稱夏殷能言而孫卿欲觀其燦然者吾於是書亦云

共和紀元廿又四年七月金山

陳陶

# 上海掌故叢書序

幼時讀書川沙東野孟氏得毛對山著墨餘錄所記皆上海地方掌故讀而好之嗣是凡鄉里間咫尺見輒喜筆之於書其有記載成篇下至權歌竹枝詞苟爲寫述地方風俗習尚者必手鈔存之年十四始從秦介侯師游時獲奉太夫子溫毅先生教秦氏故上海右族文化之中心而掌故之淵海也小子既稍稍竊其緒餘則益深自憙既冠游學於外忽然見天地之大民物之繁進而悲國族之艱危懷匹夫之職志斯時鄉里間事不復縈吾夢寐矣自口舌賈禍家人震駭悉所藏而火之俾不復有零縑斷楮之存在三十年來服役四方長日卒卒亦無暇復聞鄉里間事然天性

所好不能終棄則有人文類輯之創設以謂吾人所身接之事物苟不憚煩瑣用極端冷靜整飭之手腦一一爲之別擇記載審訂排比而存之積幾十百年其所留贈後人於修學治事上發見之功能必且出於當時從事諸人意料之外始事以來十易寒暑凡所搜輯匪敢執里聞以自限亦匪敢小里聞而忽之顧其於鄉邦掌故上之貢獻亦至微矣會上海通社諸子有上海掌故叢書之輯而問序於余余讀其例言搜其目錄蓋猶是三十年前童年之所好而其輯錄一出以科學方法懽喜讚歎之餘輒書簡人對茲事之經過如此

民國紀元二十四年七月 黃炎培

熬波圖詠

胡穰安題



## 四庫書目提要

熬波圖元陳椿撰椿天台人始末未詳此書乃元統中椿爲下砂場鹽司因前提幹舊圖而補成者也自各團竈座至起運散鹽爲圖四十有七圖各有說後繫以詩凡曬灰打滷之方運薪試蓮之細纖悉必具亦樓璣耕織圖會之謹農器譜之流亞也序言地有瞿氏唐氏爲鹽場提幹諱守仁而佚其姓考雲間舊志瞿氏實下砂望族如瞿霆發瞿震發瞿電發瞿時學瞿時懋瞿時佐瞿先知輩或爲提舉或爲監稅幾於世任鹽官其地有瞿家港瞿家路瞿家園諸名皆其舊迹然作是圖者不知爲誰至唐氏則舊志不載無可考見矣諸圖繪畫頗工永樂大典所載已經傳摹尙存槩

度惟原缺五圖世無別本不可復補姚廣孝等編輯之時雖校勘粗疎不應漏落至此蓋原本已佚脫也

# 熬波圖序

浙之西華亭東百里實爲下砂濱大海枕黃浦距大塘襟帶吳松揚子二江直走東南皆斥鹵之地煮海作鹽其來尙矣宋建炎中始立鹽監地有瞿氏唐氏之祖爲監場爲提幹者至元丙子又爲土著相副管勾官皆無其任者也提幹諱守仁號樂山弟守義號鶴山詩禮傳家襟懷慷慨二公行義表表可儀而鶴山尤爲溫克端有古人風度輔聖朝開海道策上勳膺宣命授忠顯校尉海道運糧千戶深知煮海淵源風土異同法度終始命工繪爲長卷名曰熬波圖將使後人知煎鹽之法工役之勞而垂於無窮也惜乎辭世之急僕曩吏下砂場鹽司暇日訪其子諱天禧號敬齋於

衆綠園堂出示其父所圖草卷披覽之餘瞭然在目如示諸掌嗚呼信知  
仁民之心如是其大乎抑嘗觀淮甸陳華通州鬻海錄恨其未詳僅載西  
亭豐利金沙餘慶石堰五場安置處所捐灰刺溜澳滷試蓮煎鹽採薪之  
大略耳今觀斯圖真可謂得其情備而詳矣然而浙東竹盤之殊改法立  
倉之異猶未及焉敬齋慨然屬椿而言曰成先君之功者子也子其爲我  
全其帙而成其美云椿辭不獲已敬爲略者詳之闕者補之圖幾成而敬  
齋不世至順庚午始得大備行鋟諸梓垂於不朽上以美鶴山存心之仁  
用功之勤下以表敬齋繼志之勇託付之得人也有意於愛民者將有感  
於斯圖必能出長策以甦民力於國家之治政未必無小補云時元統甲  
戌三月上巳天台後學陳椿志

# 上海掌故叢書第一集總目

熬波圖詠一卷 元陳椿

吳淞甲乙倭變志二卷 明張鼎

閱世編十卷 清葉夢珠

淞南樂府一卷 清楊光輔

滬城備考六卷 清褚華

木棉譜一卷 清褚華

水蜜桃譜一卷 清褚華

滬城歲事衢歌一卷 清張春華

夷患備嘗記一卷事略附記一卷

清曹晟

臬林小史一卷

清黃本銓

紅亂紀事草一卷

清曹晟

覺夢錄一卷

清曹晟

星周紀事二卷

清王萃元


上海曹氏書存目錄不分卷

清曹驥

# 自題熬波圖

錢塘江水限吳越二十四場分兩浙五十萬引課重難九千六百戶優劣  
火伏上中下三則煎運春夏秋九月程嚴賦足在恤民鹽是土人口下血

此詩四庫本缺今據  
康熙松江府志補錄



各團竈舍 歸併竈座建團立盤或三竈合一團或兩竈爲一團四  
向築疊圍牆外向遠匝濠塹團內築鑿池井盛貯滷水蓋造鹽倉杵  
屋置關立鎖復撥官軍守把巡警

東海有大利斯民不敢爭並海立官舍兵衛森軍營私鬻官有禁私鬻官  
有刑團廳嚴且肅立法無弊生

